

Fayyinni Scriptures - Salvation Scriptures

Efesooniitti 2:2 Yeroo sanatti isin toora biyya lafa kanaa duukaa buutanii deddeebi'aa, aboo qilleensa keessa jiru irratti isa gooftummaa qabuuf abboomamaa turtan; hafuurichi hamaan amma namoota Waaqayyoof hin abboomamne gidduutti hojjechaa jira.

Maatewoosiv 6:10 mootummaan kee haa dhufu, jaalalli kee waaqa irratti akka ta'u, akkasuma immoo lafa irratti haa ta'u!

Luqaas 22:42 'Yaa abbaa, kun akka fedha kee yoo ta'e, xoofoo dhiphinaa ani fudhachuudhaaf jiru kana ana irraa fuudhi; garuu akka ani jaalladhe utuu hin ta'in, akka ati jaallatte haa ta'u!' jedhe.

Yohaannisi 16:7-9 Dhuguman isinitti hima, yoon adeeme isiniif wayya; yoon adeemuu dhabaadhe inni isiniif dubbatu gara keessan hin dhufu; ani yoon dhaqe garuu isa isiniif erga. 8 Inni yommuu dhufu waa'ee cubbuu, waa'ee qajeelummaa, waa'ee firdiis, biyya lafaa in hubachiisa. 9 Isaan waan anatti hin amanneef, cubbuu isaanii in argisiisa;

2 Ximootewoosiitti 2:10 Kanaafis, warri fo'aman fayyina isa karaa Kristos Yesus dhufu ulfina bara baraa wajjin akka argatanitti, isaaniif jedhee waan hundumaa obsaan nan baadha.

Roomaatti 15:20,21 Hundee namni kan biraajalqabe irratti akkan hin hojenneef immoo, lafa takkaa maqaan Kristos hin dhaga'aminitti malee, wangeela akkan hin lallabne murtoo godheera. 21 Akkuma caafame iyyuu, 'Isaan isa takkaa waa'een isaa isaanitti hin himamin in argu; isa takkaa waa'ee isaa hin dhaga'inis in hubatu' jedha.

Hujii Ergamtootaa 2:36,37 Egaa Waaqayyo, Yesus isa isin muka irratti fanniftan kana gooftaadhaa fi Masiihii akka godhe, Israa'elonni hundinuu utuu hin mamin haa beekan!' jedhe. 37 Namoonnis kana dhaga'anii garaan isaanii baqaqe; Phexrosii fi ergamotoa warra kaaniin, 'Yaa obboloota nana, maal goonu ree?' jedhan.

Ibrootaatti 4:2 Misraachoo isuma nutti himametu isaanittis lallabame; haa ta'u iyyuu malee, isaan warra amantiidhaan dhaga'anitti waan hin dabalaminiif, dubbichi dhaga'ame sun isaan hin gargaarre.

Ermiyaas 24:7 ani garaa isaan ittiin ani Waaqayyo akkan ta'e beekan isaaniif nan kenna; garaa guutuudhaan gara kootti in deebi'u; ani Waaqayyo isaaniif nan ta'a, isaanis saba koo in ta'u' jedhe.

Hujii Ergamtootaa 16:14 Dubartiin uffata calaqqisaa gati-jabeessa gurgurtu, mandara Tiyaatiraatii kan dhufte, amantii warra Yihudootaas kan fudhatte tokko, achi turte; maqaan ishees Liidiyaa in jedhama. Gooftaan gurra qalbii ishee banefii waan tureef, isheen waan Phaawulos dubbate

dhimmitee dhaggeeffatte.

Maatewoosiv 13:14,15 Egaa raajiin, Isaayaas dubbate isaanitti raawwatameera; inni, "Dhaga'uu in dhageessu garuu hin hubattan; ilaaluu in ilaaltu, garuu hin argitan. 15 Yaadni garaa saba kanaa hadoodeera'o; gurra isaanii cuqqaalaniiru, ija isaaniis dununfachiisi. Silaa'oo, ija isaaniitiin in argu, gurra isaaniitiinis in dhaga'u turan; yaada garaa isaaniitiinis in hubatu, gara koottis in deebi'u turan, anis isaan nan fayyisan ture" jedha ture.

Isaayaas 6:9,10 Kanaaf inni, `Gara saba kanaa dhakiitii, "Dhaga'uu in dhageessa, garuu hin hubattu; ilaaluu in ilaalta, garuu hin argitu!" jedhiin! 10 Itti fufes immoo, akka hin arginetti, gurra isaatiin akka hin dhageenyetti, yaada garaa isaatiinis akka hin hubannetti, gara koottis akka hin deebinetti, akka hin fayyifamnettis, yaada garaa saba kanaa hadoodchi, gurra isaa cuqqaali, ija isaas dununfachiisi!' jedhe.

Maarqoosi 4:11,12 Yesus immoo deebisee, `Dhoksaan mootummaa Waaqayyoo isiniif kennameera; warra ala jiraniif garuu kun hundinuu fakkeenyaan ta'a. 12 Utuma ilaalanii akka hin argineef, utuma dhaga'aniis akka hin hubanneef, gara Waaqayyootti akka hin deebineef, cubbuun isaaniis akka isaaniif hin dhiifamneef, fakkeenyaan in kennama' isaaniin jedhe.

Yohaannisi 12:39,40 Isaan amanuu hin dandeenye; Isaayaas itti dabale immoo, 40 `Ija isaaniitiin akka hin arginetti, garaa isaaniitiinis akka hin fudhannetti akka ani isaan fayyisuufis, akka isaan hin deebinetti, inni ija isaanii jaamseera, garaa isaaniis jabeesseera' jedhee dubbateera.

Roomaatti 11:7,8 Egaa maal ta'inna laata ree? Warri Israa'el waan barbaadan argachuu in dadhaban; warri fo'aman argataniiru; warri kaan garuu in hadoodchifaman. 8 Akkuma caafamee jiru, `Waaqayyo hafuura hadoodchu isaanitti fide, hamma har'aattis ija hin arginee fi gurra hin dhageenye isaaniif kenne'.

2 Tasaloonqeetti 2:10,11 Warri baduuf jiran hundinuu immoo fayyuudhaaf dhugaa jaallatanii fudhachuu waan didaniif, gowwoomsaa hamminaa hundumaa isaan irratti in fida. 11 Kanaafis Waaqayyo, wanta dhugaa hin ta'in akka amananiif gochaa nama wallaalchisu isaanitti in erga.

Maatewoosiv 13:18-23 Yesus itti fufee, `Egaa fakkeenyi namicha sanyii facaasuu maalitti akka hiikamu dhaggeeffadhaa. 19 Akkuma sanyiin karaa bukkeetti facaafame ta'e, eenyu illee dubbii mootummichaa dhaga'ee yoo hubachuu dhabaate, inni hamaan dhufee dubbicha isa garaa isaa keessatti facaafame in butata. 20 Akkuma sanyiin lafa dhagaa keessatti facaafame ta'e, akkasuma namni dubbicha dhaga'ee achumaan gammachuudhaan in fudhata. 21 Inni yeroodhaaf malee

hundee hin qabu; sababii dubbichaatiif rakkinni yookiis ari'atamuun yommuu ka'u achumaan in gufata. 22 Akkuma sanyiin qoraattii keessa bu'e ta'e, akkasuma namni dubbicha in dhaga'a; kana booddees yaaddoon biyya lafaa, gowwoomsaan soorumaa dubbicha in hudha, ija utuu hin godhatinis in hafa. 23 Akkuma sanyiin lafa gaariitti facaafame ta'e immoo, akkasuma namni dubbicha in dhaga'a in hubatas; ija godhatees, inni tokko dhibba, inni tokko jaatama inni kaanis soddoma in baata' jedhe.

2 Qorontoosiitti 3:15,16 Hamma har'aatti iyuu yeroodhuma isaan seera Musee dubbisanitti golgichi yaada garaa isaanii in golga. 16 Caaffanni qulqullaa'an, `Yeroo inni gara gooftaatti garagalutti, golgichi isa duraa in fuudhama' in jedha.

Isaayaas 30:28 hafuurri isaa akka bishaan guutuu isa morma nama ga'uu ti; inni gingilchaa badiisaatiin saba lafa irraa in gingilcha, luugama karaa irraa isaan kaachisus afaan isaanii keessa in kaa'a.

Uziyaa 11:3-7 `Ani illee sanyii Efrem daaddisuu nan barsiise, kaasuuttis ol isaan nan fuudhe, isaan garuu kan isaan fayyisu ana akka ta'e hin beekne. 4 Ani lookoo gara-laafinaatiin hidhaa jaalalaatiin isaan nan harkise; akka isa waanjoo boquu isaanii irraa itti laafisees isaaniif nan ta'e, gara isaaniittis gad jedhee isaan nan nyaachise. 5 `Isaan gara kootti deebi'uu waan didaniif, gara biyya Gibxiitti deebi'uuf jiru, warri Asoris isaan irratti in mo'u. 6 Billaan mandaroota isaanii keessatti gad isaan in cira, danqaraa karra dallaa isaaniis in kukkuta, namoota isaanii warra koratanis in fixa. 7 `Sabni koo ana irraa garagaluutti liqimfamanii jiru, yoo ol isaan waamanis, isaan takkaa iyuu ol hin ka'an.

Hujii Ergamtootaa 26:18 Dukkanattii gara ifaatti, aango Seexanaa jalaas gara Waaqayyootti haa deebi'aniif, ija isaanii in banta; anatti amanuudhaanis dhiifamuu cubbuu isaanii argatanii, warra qulqullaa'an gidduuttis dhaala isaanii haa fudhataniif sin erga" anaan jedhe.

2 Ximootewoosiitti 2:24-26 Hojjetaan gooftichaa nama hundumaatti gaarummaa argisiisuun, namoota barsiisuu danda'uun, waan hamaa obsaan namaaf danda'uun isaaf in ta'a malee, nama qoccoluun isaaf hin ta'u. 25 Inni warra ittiin morman hafuura gara-laafinaatiin gorsee gara gaariitti deebisuun in ta'aaf; isaan dhugaa beekuu bira ga'uudhaaf yaada garaa isaanii akka geddarataniif Waaqayyo karaa in kennaaf ta'a. 26 Yoos isaan qalpii godhatanii, Seexana isa jaalala isaa akka godhaniif kiyyoo isaatti isaan galche harkaa in ba'u.

Muldhata Yohaannisi 3:17-19 `Atis, "Ani sooreessa, geessifadheera, wanti ana barbaachisus hin jiru" in jetta; ati nama gadadamaa namni boo'uufiin ta'u, deegaa, jaamaa, qullaas ta'uu kee hin beektu. 18 Ani immoo akka

sooromtuuf warqee qulqulluu ibiddaan ilaalam, qulla taatee yeella'uun kee akka hin mul'annetti, uffata adii, arguu akka dandeessuttis qoricha ijatti naqattu ana irraa akka bitattu sin gorsa. 19 Warran jaalladhu hundumaa balleessaa isaanii ittan mul'isa, barsiisuudhaafis nan adaba; ammas dhimmiiitii yaada garaa kee geddaradhu!

2 Qorontoosiitti 7:10 Akka Waaqayyo biratti fudhatamutti gadduun, yaada garaa geddarachuu fida; inni immoo gara fayyinaatti geessa malee, nama hin gaabbisiisu; akka biyya lafaa keessatti fudhatamutti gadduun garuu du'a fida.

1 Kings 18:37 Jarri kun ati Waaqayyo gooftaa akka taate, yaada isaanii gara ofii keetti deebisuuf akka jirtu akka beekanitti anaaf dhaga'i! Yaa Waaqayyo, anaaf dhaga'i!' jedhee in kadhate.

2 Qorontoosiitti 4:4 Inni hamaan waaqayyicha bara si'anaa kana ta'e, yaada warra hin amanin sanaa jaamseera; inni ifa ulfina Kristos, isa fakkaattii Waaqayyoo wangeela keessaa ibsu sana, akka hin argineef isaan dhowweera.

Luqaas 8:11-15 `Hiikaan fakkeenya namicha sanyii facaasuu isa kana; sanyichi dubbii Waaqayyoo ti. 12 Karaa bukkeen, fakkeenya warra dubbii Waaqayyoo dhaga'anii, yommusumas Seexanni dhufee akka isaan amananii ittiin hin fayyineef, dubbicha garaa isaanii keessaa butatuu ti. 13 Lafti dhagaa, fakkeenya warra dubbicha dhaga'anii gammachuudhaan fudhatanii ti; garuu hidda gad fagoo waan hin qabaanneef, yeroodhaaf in amanu; yommuu qoramni dhufuttis irraa kufu. 14 Lafti qoraattii, fakkeenya warra dubbicha dhaga'anii, yaaddoon, soorumnii fi qannoona jireenyaa dacha'anii isaan huunaan, ija utuu hin godhatin hudhaatti hafanii ti. 15 Lafti gaariin, fakkeenya warra dubbicha dhaga'anii, garaa gaariidhaa fi abboomamaadhaan fudhatanii, rakkina hundumaa obsanii ija godhatanii ti' jedhe.

Hujii Ergamtootaa 15:11 Nuyi garuu ayyaana gooftaa keenyaa Yesusiin fayyuu keenya in amananna; isaan immoo akkuma kanatti in fayyu' jedheen.

Roomaatti 8:13 Akka fedha fooniitti yoo jiraattan du'uun keessan beekamaa dha, hafuuraan hojii namummaa keessan isa foonii yoo ajjeeftan garuu in jiraattu.